

**Broj: 13-11-4-4921/24**  
**Sarajevo, 05.07.2024. godine**

Na osnovu člana 70. stav (3) Zakona o javnim nabavkama ("Službeni glasnik BiH", br. 39/14 i 59/22), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinski načelnik donosi

**ODLUKU**  
**o izboru najpovoljnijeg ponuđača**

**I**

Za najpovoljnijeg ponuđača za javnu nabavku roba „Nabavka lektira, literature i knjiga za potrebe školskih biblioteka novosarajevskih osnovnih škola i odgojno obrazovnih institucija“, po provedenom postupku javne nabavke putem otvorenog postupka javne nabavke izabran je slijedeći ponuđač:

**SVJETLOSTKOMERC d.d. Sarajevo**  
**sa ukupnom cijenom od 19.928,62 KM**

(slovima: devetnaesthiljadadevetstotinadvadesetosam i 62/100 konvertibilnih maraka) sa PDV-om

**II**

Za izvršenje ove Odluke zadužuje se Služba za obrazovanje, kulturu i sport.

**III**

Izabrani ponuđač je dužan u roku od 5 (pet) dana od dana zaprimanja ove Odluke, na adresu Općine Novo Sarajevo, Zmaja od Bosne 55, 71000 Sarajevo ili lično na Protokol Općine, dostaviti originale ili ovjerene kopije dokaza traženih tačkom 7.1.3. stav (a) do (e) i tačkom 7.3.2. stav (a) tenderske dokumentacije, ne starije od 3 (tri) mjeseca od dana predaje ponude, u skladu sa dostavljenim izjavama ponuđača.

**IV**

Odluka o izboru najpovoljnijeg ponuđača objavit će se na web stranici [www.novosarajevo.ba](http://www.novosarajevo.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) i članom 71. Zakona o javnim nabavkama BiH.

**Obrazloženje**

Postupak javne nabavke proveden je putem otvorenog postupka javne nabavke, a pokrenut je na osnovu Odluke Općinskog načelnika broj: 13-11-4-4921/24 od 22.05.2024. godine.

Procijenjena vrijednost javne nabavke sa PDV-om je: 20.000,00 KM (slovima: dvadesethiljada i 00/100 konvertibilnih maraka).

Obavještenje o javnoj nabavci broj 935-1-1-118-3-199/24 objavljeno je na Portalu javnih nabavki dana 11.06.2024. godine.

Komisija za javnu nabavku roba, radova i usluga je imenovana Rješenjem Općinskog načelnika broj: 01-30-5-8227/23 od 17.10.2023. godine, te Rješenjem o izmjenama Rješenja broj: 01-30-5-8227-1/23 od 06.02.2024. godine.

U predmetnom postupku utvrđeno je da je Komisija za javne nabavke roba, radova i usluga blagovremeno i pravilno izvršila otvaranje ponuda i ocjenu prispjelih ponuda, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da su do dana 01.07.2024. godine, pristigle ponude slijedećih ponuđača:

Red. Br.	Naziv i sjedište ponuđača	Ukupna ponudena cijena sa PDV-om
1.	SVJETLOSTKOMERC d.d. Sarajevo	19.949,68 KM
2.	LIJEPA RIJEČ d.o.o. Tuzla	19.863,09 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije iz pristiglih ponuda u smislu provjere njihovih validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponuda u skladu sa pravilima i procedurama utvrđenim tenderskom dokumentacijom, Zakonom i podzakonskim aktima.

Komisija za javne nabavke roba, radova i usluga je izvršila evaluaciju pristiglih ponuda, te je konstatovala sljedeće:

Komisija za javne nabavke roba, radova i usluga je izvršila analizu cijene ponude ponuđača SVJETLOSTKOMERC d.d. Sarajevo, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču SVJETLOSTKOMERC d.d. Sarajevo je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponuda ponuđača SVJETLOSTKOMERC d.d. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Komisija za javne nabavke roba, radova i usluga je izvršila analizu cijene ponude ponuđača LIJEPA RIJEČ d.o.o. Tuzla, te konstatovala da ista sadrži računsku grešku. U skladu sa odredbama člana 9.5.1. tenderske dokumentacije ponuđaču LIJEPA RIJEČ d.o.o. Tuzla je poslano obavještenje o ispravci računске greške, što je ponuđač prihvatio i u zahtijevanom roku dao svoju pismenu saglasnost za ispravku.

Ponudu ponuđača LIJEPA RIJEČ d.o.o. Tuzla Komisija je ocijenila kao **neprihvatljivu i nepravilnu** iz sljedećih razloga:

Tenderskom dokumentacijom u tački 7.3.2. navodi se: „*Ocjena ekonomskog i finansijskog stanja ponuđača će se izvršiti na osnovu dostavljene izjave potpisane i ovjerene od strane ponuđača*“. Također u tački 8.2.1. navodi se da ponuda mora sadržavati sljedeći dokument: Aneks 7 - Izjava o ispunjenosti uslova iz člana 47. Zakona o javnim nabavkama BiH, koja je sačinjena i popunjena u skladu sa priloženim Aneksom 7, te potpisana i ovjerena od strane ponuđača (direktor ili ovlašteno lice).

Ponuđač LIJEPA RIJEČ d.o.o. Tuzla je dostavio Aneks 7 - Izjavu o ispunjavanju uslova iz člana 47. stav (1) točka a) do d) i (4) Zakona o javnim nabavkama BiH („Službeni glasnik BiH“, broj: 39/14, 59/22), koja nije potpisana i ovjerena od strane ponuđača, na način predviđen propisanom Izjavom i tenderskom dokumentacijom. Navedena Izjava je ovjerena od strane notara, iako isto nije zahtijevano tenderskom dokumentacijom, te na mjestu predviđenom za to ne sadrži pečat ponuđača.

Nadalje tenderskom dokumentacijom u tački 7.4.1. zahtijevano je: „*uspješno iskustvo u realizaciji najmanje 1 (jednog) ugovora koji se odnosio na nabavku knjiga za lektire u posljednje 3 (tri) godine, računajući od dana objave Obavještenja o predmetnoj javnoj nabavci ili od datuma registracije odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine.*“

U cilju dokazivanja tehničke i profesionalne sposobnosti, te navedenog uslova, ponuđači su bili dužni dostaviti 1 (jednu) potvrdu o uspješnoj realizaciji ugovora, koji se odnosio na nabavku knjiga za lektire.

Ponudac LIJEPA RIJEČ d.o.o. Tuzla je dostavio potvrdu o uspješnoj realizaciji ugovora koji se odnosi na nabavku knjiga za lekturu, a koja nije izdata od druge ugovorne strane, na način definisan Zakonom o javni nabavkama BiH.

Članom 48. stav (2) Zakona o javnim nabavkama navodi se: „Ako ugovorni organ zahtijeva dokaz o uredno izvršenim ugovorima, taj dokaz se podnosi u formi spiska izvršenih ugovora uz potvrdu o njihovoj realizaciji koju daje druga ugovorna strana.“

Navedeno je Zakonom jasno definisano kao način dokazivanja uslova po zahtjevima iz tehničke i profesionalne sposobnosti ponuđača.

Iz naprijed navedenih razloga, ponuda ponuđača LIJEPA RIJEČ d.o.o. Tuzla se nije mogla uzeti u dalje razmatranje.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Red. broj	Naziv i sjedište ponuđača	Ukupna ponudena cijena sa PDV-om
1.	SVJETLOSTKOMERC d.d. Sarajevo	19.928,62 KM

Komisija za javne nabavke roba, radova i usluga je jednoglasno predložila Općinskom načelniku da donese Odluku o izboru najpovoljnijeg ponuđača ponuđaču čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 19.928,62 KM (slovima: devetnaest hiljadadevetstotinadvaesetosam i 62/100 konvertibilnih maraka) sa PDV-om, te da se ponuđaču SVJETLOSTKOMERC d.d. Sarajevo dodijeli Ugovor.

Općinski načelnik je saglasan sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 64. stav (1) tačka b) Zakona o javnim nabavkama, odlučeno je kao u dispozitivu ove Odluke.

#### Pouka o pravnom lijeku:

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi.

Žalba se podnosi u najmanje 3 (tri) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH, broj: 08-02-2-8303-1/14 od 09.10.2014. godine.

OPĆINSKI NAČELNIK



DOSTAVLJENO:

- SVJETLOSTKOMERC d.d. Sarajevo
- LIJEPA RIJEČ d.o.o. Tuzla

Općina Novo Sarajevo, ulica Zmaja od Bosne br. 55, centralni telefon (387 33) 492 100

Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba

Identifikacioni broj: 4200559710008, PDV broj: 200559710008, Republički broj: 0170222000



